



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XIII. Confirmatio Privilegiorum Ordinis Sanctissimæ Trinitatis Redemptionis
Captivorum, & ejusdem Confraternitatum, ac Beatissimæ Virginis Mariæ
de Remedio.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Diviso pro
ut in rubr.

Alternativa
Præfetti Ge-
neralis.

Consulto-
res ex quali-
bet Provin-
cia assumun-
tur.

Arbiter Con-
sultæ non eli-
gatur ex Pro-
vincia Præ-
fetti Genera-
lis.

Contrariis
derogat.

cias, nempe Neapolitanam, quæ etiam Siculam comprehenderet, ac Romanam, quæ reliquas Provincias prædictas pariter contineret redegerit, cumque præmissorum occasione varia perturbationes subortæ fuerint. Nos, ut Clerici prædicti semota omni perturbationum materia in suo laudabili Instituto pro communi Christianidelum bono perseverare valeant, quantum cum Domino possumus, providere volentes.

§. 2. Motu proprio, ac ex certa scientia, & matura deliberatione nostris, deque Apostolicæ potestatis plenitudine, totam Congregationem Clericorum Regularium hujusmodi in quatuor Provincias, videlicet Romanam, quæ Etruscam, eique propinquiorem Bononiam. Provinciæ partem comprehendat, nec non Mediolanensem, quæ reliquam Provinciæ Bononiensis hujusmodi partem juxta divisionem ipsius Provinciæ Bononiensis in Capitulo generali dictæ Congregationis proximè celebrando faciendam etiam comprehendat, ac Neapolitanam, & Siculam, quæ quatuor Provinciæ singulæ suos Provinciales, & Officiales distinctos, & separatos habere debeant, tenore præsentium dividimus, & reducimus.

§. 3. Declarantes tamen, quod quantum attinet ad electionem personæ idoneæ ex Provinciarum dictæ Congregationis professoribus ad munus Præfetti Generalis ipsius Congregationis pro tempore vacans alternatim assumendæ, eadem Congregatio in duas solummodo Provincias, nempe Romanam, quæ Mediolanensem, quoad hunc articulum contineat, ac Neapolitanam, quæ Siculam pariter comprehendat, divisa censetur, itaut prædictum munus Præfetti Generalis professoribus Romanæ, seu Mediolanensis, & Neapolitanæ, seu Siculæ Provinciarum hujusmodi alternatim in perpetuum deferri debeat, & Præfectus Generalis, quando Romanæ, & Mediolanensis insimul Provinciæ turnus obtigerit, tam ex particulari Romanæ, quam ex Mediolanen. Provinciis prædictis, servatis tamen aliis servandis assumi possit; quando verò Neapolitanæ, & Siculæ Provinciæ itidem insimul turnus obvenerit, tam ex particulari Neapolitana, quam ex Sicula Provinciis, hujusmodi eligi similiter valeat.

§. 4. Præterea prohibitionem, ne ex Provincia dictæ Congregationis, ex qua Præfectus Generalis electus esset Consultor ullus ejusdem Congregationis assumeretur, in prædictis Litteris Apostolicis contentam Motu, scientia, deliberatione, potestatis plenitudine, & tenore præsentis tolerantis, & abolentes, singulos Consultores prædictæ Congregationis ex singulis quatuor Provinciis memoratis, Romana videlicet, Mediolanen, Neapolitana, & Sicula assumi debere decernimus.

§. 5. Statuentes ut Arbiter Consultæ generalis prædictæ Congregationis nequaquam ex illa Provincia, ex qua Præfectus Generalis pro tempore fuerit, sed ex alia assumatur, ac decernentes præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab omnibus, ad quos spectat, & pro tempore spectabit perpetuò inviolabiliter observari: sicque, in præmissis per quoscumque Judices ordinarios, & Delegatos etiam Causarum Palatii Apostolici Auditores, sublata eis, & eorum cuilibet quavis aliter judicandi, seu interpretandi facultate, & auctoritate judicari, ac definiti debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 6. Non obstantibus præmissis, ac Constitutionibus, & ordinationibus Apostolicis, nec non dictæ Congregationis etiam juramento, confirmatione Apostolica, vel alia quavis firmitate roboratis statutis, & consuetudinibus, privilegiis

quoque, indultis, & Litteris Apostolicis eidem Congregationi, illius Superioribus & personis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, ac sufficienter expressis, & ad verbum insertis habentes, illis aliis in suo robore permanentibus, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

§. 7. Volumus autem, ut præsentium transumptis etiam impressis, manu Notarii publici subscriptis, & sigillo alicujus personæ in Ecclesiastica dignitate constitutæ munitis eadem prorsus fides in judicio, & extra, ac ubique locorum adhibeatur, quæ ipsis præsentibus adhibetur, si forent exhibitæ, vel ostensæ.

Datum Romæ apud S. Petrum sub Annulo Piscatoris, die 22. Novembris 1655. Pontificatus Nostri Anno primo.

Dat. P. An. r.
die 22. Nov.

Confirmatio Privilegiorum Ordinis Sanctissimæ Trinitatis Redemptionis Captivorum, & ejusdem Confraternitatum, ac Beatissimæ Virginis Mariæ de Remedio.

XIII.

ALEXANDER PAPA VII.

Edita An. D.
1655.

Ad futuram rei memoriam.

EXponi Nobis nuper fecit dilectus Filius Petrus Mercier Minister Generalis Ordinis Sanctissimæ Trinitatis Redemptionis Captivorum, quod ipse pro felici dicti Ordinis regimine, atque gubernio omnia, & singula Privilegia, gratias, & Indulta eidem Ordini, nec non Confraternitatibus sub Invocatione Sanctissimæ Trinitatis, & Beatissimæ Virginis de Remedio nuncupat. Redemptionis Captivorum vigore Literarum in simili forma Brevis fel. record. Pauli Papæ V. Prædecessoris Nostri erectis aliis à diversis Romanis Pontificibus Prædecessoribus Nostri concessa, quo firmiora persistant, & ab omnibus exactius observentur Apostolicæ nostræ confirmationis robore communiti summopere desiderant.

Supplicatio.

§. 1. Nos igitur eundem Petrum specialibus favoribus, & gratiis prosequi volentes, & à quibusvis excommunicationis, suspensionis, & interdici, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequen. harum serie absolventes, & absolutum fore censentes,

Oratorem
absolvit à
censuris.

§. 2. Supplicationibus illius nomine Nobis super hoc humiliter porrectis inclinatis, Privilegia, gratias, & indulta prædicta, dummodo tamen in usu, ac licita sint, & honesta, & non sint revocata, aut sub aliquibus revocationibus comprehensa, sacrisque Canonibus, & Concilii Tridentini decretis, ac Constitutionibus Apostolicis, regularibusque dicti Ordinis Institutis non adversentur, & quoad Confraternitates prædictas monopolis ansam non præbeant Apostolica auctoritate tenore præsentium approbamus, & confirmamus, illisque inviolabilis Apostolicæ firmitatis robur adjicimus, ac omnes, & singulos tam juris, quam facti defectus, si qui desuper quomodolibet intervenerint in eisdem supplemus.

Confirmat
ut in rubr.

§. 3. Decernentes illa, nec non præsentibus Literas semper, & perpetuò valida, firma, & efficacia existere, & fore, suosque plenarios, & integros effectus sortiri, & obtinere, ac ab omnibus, & singulis, ad quos spectat, & spectabit quomodolibet in futurum inviolabiliter, & inconculsè observari; Sicque per quoscumque Judices ordinarios,

Decretum
irritans.

& dele-

& delegatos, ac causarum Palatii Apostolici Auditores iudicari, & definiti debere, ac irritum, & inane quidquid secus super his à quoquam, quavis auctoritate scienter, vel ignoranter contigerit attentari. In contrarium facientibus non obstantibus quibuscumque.

Dat. P. An. r.
die 9. Dec.

Datum Romæ apud Sanctum Petrum, sub Anulo Piscatoris die 9. Decembris 1655. Pontificatus Nostri Anno Primo.

XIV.

Sacram, & Apostolicam Visitationem Ecclesiarum omnium Urbis, locorumque piorum quadraginta horarum celebrationem, cum indulgentiarum largitione indicit.

De Visitatione Apostolica extant Constitutiones Clement. VIII. Constit. 8. Speculatus, to. 3. Urb. VIII. Constit. 15. Militantem, to. 4. impress. Lugd. quas Constitutiones Urbani data opera in reliqui in nova impressione ne otiose repetam quæ non sunt necessaria, maxime quia concordant cum his S. D. N.

Edita A. D.
1656.

ALEXANDER EPISCOPUS,

Servus Servorum Dei. Dilectis Filiis Universo Clero, & Populo Romano salutem, & Apostolicam benedictionem.

Exordium.

Commisam Nobis Ecclesiam vigili cura, ac studio dies, noctesque obeuntes calamitatum, ac tribulationum, quæ invenerunt Nos nimis obiectu non deteremur, aut frangimur, quinimò ad illum, qui eam sibi prælegit in sponsam fidentes respicimus, & quam ipsi immensam sollicitudinem, & charitatem debemus omni opera, diligentiaque repræsentare conamur. Illam Filii Sui sanguine acquisitam, tamque excellenti pignore sibi obligatam tradidit Nobis custodiendam Altissimus crebro urgens, contendensque, ne quid unquam de summo in eam amore, ac dilectione remitteremus. Quod trepidè, sollicitèque cum animo Nostro reputantes, in hoc labores omnes, cogitationesque desigimus, ne qua labes, aut macula pulcherrimo corpori adhaerescat, eam verò decoram exhibeamus, tanquam sponsam ornatam monilibus, paratam in occursum Domini, ac viri sui. Quamvis autem Universis, ac singulis debitores simus, & in Christo devincti, hæc tamen Alma Civitas, quam in tantum extulit divina dignatio, propiores habet amoris, & sollicitudinis causas. Crediti enim gregis cum forma esse jubeamur, à Principe gentium Urbe exigendum id esse potissimum videtur, ut fidei, ac Religionis Magistra, castissima etiam sit morum custos, & disciplinæ. Hic est fides Petri, fides, quæ annunciat in universo Mundo, quæ Apostolos coronavit, & Martyres. Hæc est Civitas ædificata super fundamentum Apostolorum quam fusus pro Christo sanguis mundat, illustrantque Sanctorum pretiosa deposita.

Causa Visitationis Sacra.

§. 1. Hinc quidquid oculis Domini displicere possit extirpare cupientes nullam in populo, aut plebe turpitudinem, nihil inquinatum apparere, Cleri verò mores eos vellemus, quales esse de Altari viventium decet, quorum pars est Christus, atque in Cælis conversatio; Cum enim Deus impium Regem, quod vasa Templi ministerio adiecta in profanum usum vertisset, gravi, subitaneque vindicta percussit, satis ostendit, quam procul ab immunda omni consuetudine remoti esse debeant ii, qui sibi inserviunt, cum etiam inanità, & sine sensu rei tantam voluerit adhiberi reverentiam. Optamusque ut illi in præcipuis Basilicis, quas Deo obtulit pia Imperatorum, ac Principum largitas, diligenter obeant opus suum, utque apta sit, & decora psalmodum modulatio, psallantque Regi Regum sapienter. Quibus perfici-

endis opportunè, ut cætera, id quoque suis decretis sancivit sacrosancta Tridentina Synodus, ut Episcopi subinde gregem suum, ovesque perlustrarent, & recognoscerent, cujus sanctissimum institutum, & Nos sequentes, ut Patrum regulas, ac terminos custodiamus, visitemusque Fratres Nostros Filios Israël, ne veniat super Nos, quod olim comminatus est Deus malis Pastoribus, qui pascentes semetipsos, gregem Domini non pascent, neque quod infirmum est consolidant, quod ægrotum non sanant, quod contractum non alligant, quod abjectum non reducant, & quod perit non requirunt.

§. 2. Statuimus Deo annuente, Urbis Romæ omnes tam Patriarchales, quàm Collegiatis, & Parochiales Ecclesias, earumque Capitula, & personas, item Monasteria, Conventus, & Ecclesias quorumvis Ordinis tam virorum quam Mulierum, Hospitalia, Collegia, Confraternitates Laicorum, Montem pietatis, omnia quocumque censentur nomine loca Pia visitare.

Visitationem indicit.

§. 3. In cujus operis consortium nonnullos advocavimus ex Venerabilibus Fratribus Nostri S. R. E. Cardinalibus, & Episcopos aliquot administratos, quorum consilio, atque opere in tam salubri, atque ardua uteremur.

Card. assu-
mit.

§. 4. Ad Omnipotentis itaque Dei laudem, & gloriam Sanctæ Romanæ Ecclesiæ exaltationem, vobis visitationem in vigesimam tertiam mensis hujus Dominicam diem indicimus, quam à Sacrosancta primaria Lateranensi Basilica inchoabimus, & statutis diebus, Deo adjutore prosequemur, singulos, atque universos in Christi visceribus per misericordiam Dei, & Salvatoris Nostri obtestantes, ut abjectis secularibus desideriis non secundum carnem ambulent, sed justè, & piè vivant, quo tanquam in bene preparato agro sementem dominicam cum fructu accipiant, ac ne in vacuum curramus, & frustra sint nostri labores, Deum, qui est multæ misericordiæ omnibus invocantibus se, sine intermissione obsecrent, ne viribus deficiamus, sed assistat Nobis, confortetque Nos in gratia, quæ est in Christo JESU.

Fideles ad
orandum
hortatur.

§. 5. Qua de causa jubemus sexta feria ante constitutam Dominicam in nonnullis Ecclesiis Urbis Patriarchalibus Collegiatis, & aliis præcipuis Sacros. Eucharist. solemnè ritu in Altari proponi, & quadraginta horarum orationem de more celebrari.

Orationem
40. horarum
præcipit.

§. 6. Ut autem orationes vestræ exeant de corde puro, & conscientia bona, thesauros ejus, qui propitiator Noster est apud Patrem suum referamus, atque omnibus, & singulis utriusque Romæ degentibus, qui eadem Dominica die expiatis exacta confessione conscientis Sacram sumplerint Eucharistiam, devotèque in quavis Ecclesia oraverint, ut hæc nostra visitatio utilis sit Ecclesiæ, & animarum salutem, plenariam peccatorum suorum Indulgentiam concedimus, & elargimur.

Plenariam
elargitur in-
dulgentiam.

§. 7. Agite ergo Dilecti Filii, cum tremore, & sollicitudine cooperamini salutem vestram quæcumque sunt vera, quæcumque pudica, justa, sancta, amabilia, bonæ famæ, si qua virtus, si qua disciplina, hæc cogitate, ut cito anticipent. Nos misericordiæ Domini, obliviscatur verò iniquitatum Nostrarum, convertaturque, & videat, & visitet vincam istam, quam plantavit dextera ipsius, & ponat visitationem ejus pacem.

Pastoralis
adhortatio.

Datum Romæ apud Sanctum Petrum Anno Incarnationis Dominicæ 1656. quarto Id. Januarii Pontificatus Nostri Anno Primo.

Dat. P. An. r.
4. Idus Jan.

Anno à Nativitate Domini Nostri JESU Christi millesimo sexcentesimo quinquagesimo sexto, Indictione nona, Pontif. autem Sanctiss. in Christo Patris, & D. N. D. Alex. Divina Providentia Papa VII. Pon-

Publicatio.